

# **REFERAT IIIA - Isumaginninnermut Inunnullu Innarluutilinnut Ataatsimiititaq d. 08-05-2023**

**Mødedato** Mandag d. 08. maj 2023 kl. 17:00

**Mødested** Kommunalbestyrelsip ataatsimiittarfiani

# Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Angerlarsimaffimmi peqqissaasunik suleqatiginninnerup annertusinera.....	6
Lukket.....	9
Naalackersuisut utoqqaat pillugit periusissiaannut tunngatillugu tusarniaanermut akissummik ilisim	10
Majoriat 2023-mi ingerlanneqarnerat pillugu Namminersorlutik Oqartussanik isumaqatigiissuteqari	13
Piffissami januaarimiit marsimut 2023 pissaanermik atuisimaneq pillugu nalunaarutininik ilisimatitsi	15
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	18
Oqartussaaffeqarfiup angusai sullissinermilu anguniagai - 1 kvartali 2023.....	22
Suliat Isumaginninnermi Naammagittaalliuuteqartarfimmeersut Suliffeqarnermut Isumaginninnerm	25
Siu-Tsiu-mik naliliineq 2021-2022.....	30
Utoqqaat Illuanni Tungiumi sinittarfik immikkut.....	33
Siunissami ataatsimiititani suliassat aalajangersimasut.....	35
Nuummi Utoqqaat illuani siulersuisunut ileqqoreqqusat nutaat pillugit akuersissuteqarneq.....	38
Utoqqarnut sullissinermi 550.000 koruunit atorneqarnissaat.....	41
Piffissap ilaannaanik atuinermut pilersaarut pillugu siunnersuut.....	44
2023-mut suliat allaaserineqarnerisa nalimmassarneri.....	47
Misiligutaasumik Majoriami immikkoortukkuutaartumik atuartitsineq.....	50
Lukket.....	53
Taasariaqartut allat.....	54
Imaqarniliap akuerineqarnera.....	55

## **Punkt .: Saqqaa**

### **Ilaasortat:**

Inge Olsvig Brandt (IA), *siulittaasoq*

Lone Rosengreen Pedersen (IA), *siulittaasup tullia*

Harald Bianco (IA)

Poul Petersen (D)

Mala Høy Kúko (S)

### **Beslutning**

Peqataasut:

Inge Olsvig Brandt (IA), *siulittaasoq*

Lone Rosengreen Pedersen (IA), *siulittaasup tullia*

Poul Petersen (D)

Oqarasuaatikkut peqataasoq:

Mala Høy Kúko (S)

Peqataasinnaanani nalunaartoq:

Harald Bianco (IA)

## **Punkt .: Oqaluuserisassat akuerineqarneri**

### **Beslutning**

Oqaluuserisassat akuersissutigineqarput.

# Punkt .: Nalunaarutit

## Beslutning

Siulittaasumiit:

Siulittaasup saaffiginnissut utoqqarnut aamma isumaginninnermut tunngassutilik ilisimatitsissutigaa.

Suliffeqarnermut Isumaginninnermullu Ingerlatsivimmiit:

### **Inunnut innarluutilinnut tarnikkullu nappaatilinnut Immikkoortortaarfik**

#### Nakorsaatilik passussinermet pikkorissarneq

Inunnut innarluutilinnut tarnikkullu nappaatilinnut Immikkoortortaarfik nakorsaatit pillugit pikkorissartitsinermik naammassilluartumik, peqataasut 63-it immikkoortortani nakorsaatilik passussinerminni atuuffimminnik akisussaaffimminnillu paasinnilluarnissaminnik piareersarfigisaannik ingerlatitseqqammerpoq Aqutsisoqatigiit ulluinnarni ingerlariaatsimik ingerlatsillutik sulillualereerput. Sulisut marluk ilinniartitsisumut tapersiipput tamannalu pikkorissarnerup piviusumut sulisunullu ataasiakkaanut qanillinerpaaffissaminiinneranut iluaqutaavoq. Inunnut innarluutilinnut tarnikkut nappaatilinnullu Immikkoortortaarfup kommunimit allamit, pikkorissarnermik tusagaqarsimasumit attaveqarfigineqarsimalluni tulluusimaarutigalugu oqaatiginnaavaa.

#### Kinguaassiutit atoqatigiinnerlu pillugit politikki

Inunnut innarluutilinnut tarnikkullu nappaatilinnut Immikkoortortaarfik aamma kinguaassiutit atoqatigiinnerlu pillugit politikkimik ingerlatsinermik aallartitsilluareerpoq, tassanilu sulisut aqutsisullu peqataalluarput. Tamakku akimmiffiusinnaasarput, akunnerminnilu eqqartuisinnaanerup pingaaruteqarnera takusinnaavaat. Ataatsimiititami pitsaasunik siunnersuuteqartoqareernerani akimmiffiusinnaasut pillugit allattukkat qanoq pitsaanerulersinneqarsinnaanersut misissuleruttorpaat. Kommunini allani innuttaasut aamma sulianit pitsaasunit iluaquteqarsinnaanissaat anguniarlugu kommuninut amerlanerusunut avitseqatiginnissutiginnissaat assut kissaatigineqarpoq.

### **Oqartussaaffeqarfik aamma suliffeqarnermut tunngasut**

Pisortanit ikiorsiissutit aamma suliffissarsiornermi ikiorsiissutit pillugit inatsit nutaaq, 2023-mi juulip aallaqqaataanni atulersussaagaluartoq kinguartinneqarpoq, atulersinneqassaarlu 2024-mi januaarip aallaqqaataanni.

# **Punkt 1: Angerlarsimaffimmi peqqissaasunik suleqatiginninnerup annertusinera**

## **Beslutning**

Ilisimatitsissut tusaatissatut tiguneqarpoq.

## **Bilag**

Peqqissutsimut tunngasunik suliassat angerlarsimaffimmi ikiortit tigusinnaasaat

Siulittaasup angerlarsimaffimmi peqqissaasunik suleqatiginninnerup annertusinera pillugu aalajangiinera



## **Angerlarsimaffimmi peqqissaasunik suleqatiginninnerup annertusinera**

Siulittaasup aalajangiinera pillugu ilisimatitsissut

Ilisimatitsissut

SagsID.: EMN-2023-01328

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Ulloq 26.04.2023 siulittaasoq aalajangiivoq, 2023 juunip aallaqqaataa aallarnerfigalugu angerlarsimaffimmi peqqissaasunik suleqateqarnerup sivitsorneqarnissaanik siunnersuut akuersissutigalugu.

Suliffeqarnermut Isumaginninnermullu Ingerlatsiviup peqqinnissaqarfimmik suliassaqarfimmi pineqartuni suleqateqarnini patajaallisarlugulu annertusarniartarpaa. 2021-mi Nuummi angerlarsimaffimmi ikiortit angerlarsimaffinnilu peqqissaasut illumi ataatsimoortilerpai attaveqatigiinnerit pisariillisarniarlugit ilisimasanillu avitseqatigiinnissat pitsaasunik atugassaqartikkumallugit.

Peqqinnissaqarfimmik isumasioqatigiittoqarnera tunuliaqutaralugu Suliffeqarnermut Isumaginninnermullu Ingerlatsivik maanna siunnersuuteqarpoq angerlarsimaffimmi peqqissaasut suliaat ataasiakkaat kommunip tigusinnaagai, innuttaasut angerlarsimaffimmi ikiorteqarnissamik innersuunneqareersunut tunngasunik. Tassani suliassat pineqarput oqinnerit angerlarsimaffimmi ikiortit peqqissaanermut tunngasunik ilitsersorneqarluareernikkut pikkorissaaviginerisigullu suliassat nalinginnaasut iluanni suliarisinnaasaat.

Siunnersuutip kingunerissavaa innuttaasup pisut ilaanni ajornaannerusumik toqqaannarnerusumillu sullinneqalerneranik angerlarsimaffimmilu inuit sullissisut ikinnerit isummerfigisinnaassallugit. Aamma angerlarsimaffimmi ikiortit oqilisaanneqalissapput innuttaasunik naapitsinerminni sulisup angerlarsimaffimmi peqqissaasoq utaqqsariaarutissallugu innuttaasup maannakkorpiaq pisariaqartumik sullinneqarnissaanik tunngasuni. Taamaaliornermilu angerlarsimaffimmi peqqissaasut oqilisaanneqalissapput peqqissaanermik innuttaasunut amerlanernut sullissinissavimminnut nukitik atulissallugit.

Angerlarsimaffimmi peqqissaasoq ilinniartitsinissaminik neqerooruteqarsinnaalissaaq aammalu angerlarsimaffimmi ikiortinut sulisuusunut pikkorissaanernik annikitsunik neqerooruteqarsinnaassalluni.

Ilanngussatut ilanngunneqartumi sukumiisumik allaqqapput suliassat sorliit tiguneqarsinnaanerinit tunngasut kiisalu isumaqatigiissummut tunngavilersuut piviusunngortinnissaanullu piumasaqaat. Isumaqatigiissut siullertut Nuummiinnaq atuutissaaq, Nuulli avataanut tunngasunik tigussaasunik isumaatigiissusiortoqarsinnaassaaq angerlarsimaffimmi ikiortinut sulisussat pigineqarpata.

### **Suliap ingerlaqqinnera**

Isumaqatigiissut 1. juni 2023-mi atuutilissaaq ukiullu ataatsip qaangiunnerani nalilersorneqassalluni.



### **Ingerlatsivimmit aningaasatigut sulisoqarnikkullu naliliinerit**

Isumaqatigiissut innuttaasunut angerlarsimaffimmi ikiorteqarnissamut nalilernerqareersunut sunniuteqassaaq inatsisit sullissinissamullu pitsaassutsit nassuiarneqartuni aalajangersakkat naapertorlugit. Siunnersuut taamaammat aningaasaqarnikkut sulisoqarnikkullu annerusumik kinguneqarnissaa naatsorsuutigineqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq

### **Ilanngussat**

1. Peqqissutsimut tunngasunik suliassat angerlarsimaffimmi ikiortit tigusinnaasaat
2. Siulittaasup angerlarsimaffimmi peqqissaasunik suleqatiginninnerup annertusinera pillugu aalajangiinera

## **Punkt 2: Lukket**

## **Punkt 3: Naalakkersuisut utoqqaat pillugit periusissiaannut tunngatillugu tusarniaanermut akissummik ilisimatitsissut**

### **Beslutning**

Ilisimatitsissut tusaatissatut tiguneqarpoq.

### **Bilag**

Naalakkersuisut utoqqaat pillugit periusissiaat

Tusarniaanermut akissut - Utoqqaat pillugit periusissiamut siunnersuut, Kommuneqarfik Sermersooq

Naalakkersuisut utoqqaat pillugit periusissiaannut tusarniaanermut akissummut akissutaasimasumut akissuteqaqqinneq

## **Naalackersuisut utoqqaat pillugit periusissiaannut tunngatillugu tusarniaanermut akissummik ilisimatitsissut**

Ilisimatitsissut

SagsID.: EMN-2023-01260

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Isumaginninnermut Suliffeqarnermullu Naalackersuisoqarfimmit decembarip ulluisa 21-anni Naalackersuisut utoqqaat pillugit periusissiaannut tunngatillugu tusarniaanermik allakkiaq nassiunneqarpoq. Suliffeqarfimmut Isumaginninnermullu Ingerlatsivimmit kommunit sinnerini isumaginninnermut pisortanik ataqatigiissaaraluni tassunga tusarniaanermut akissuteqartoqarpoq. Matumani suliassamik saqqummiussinermi tusarniaanermut akissut kiisalu Utoqqaat pillugit Periusissiami inaarutaasumi, februaarip ulluisa 27-anni tamanut saqqummiunneqartoq, immikkoortut eqqumaffigineqartariaqartut ilisimatitsissutigineqarput.

Utoqqaat pillugit periusissiamut kommunit tusarniaanermut akissutaanni pingaarnertut attassisinnaanermut ajornartorsiut periusissiami naammattumik sammineqarnerasoq ernumagineqarpoq. Kommunit utoqqaat utoqqalinersiallillu atugarisaasa pitsanngorsarneqarnerat (taamalu utoqqarnik suliassaqaarfimmi kiffartuussinerup annertusarneqarnissaa) qanoq siunissami sulisut ikinnerulernissaannut naatsorsuuteqarnermut ataqatigiissinnaannerannut naatsorsuinerit ujartorpaat. Tassunga ilanngullugu sulisut tamakkiisut ikinnerulernissaat naatsorsuutigineqarneranni akileraarutitigut isertitat amigaatigineqalernerannit aningaasaqarneq tatineqarnerulissaaq.

Kommuninit oqaaseqaatigineqarpoq, utoqqalinersiuteqalernissamut ukiorititat naleqqersuusiorneqarnissaannut siunnersuut pissutaalluni innuttaasut arlallit sivisunerusumik siusinaartumik pensionisiaqartassasut, tamannalu ataatsimoortumik tapiissutit pillugit isumaqatigiissutitigut kommuninit aningaasaliissuteqarfigineqartassasoq.

Ilanngullugu oqaaseqaatigineqarpoq, suliniutinut arlalinnut aningaasaliissutitut tunngasut ersarinngitsut. Puigortunngortunut tunngatillugu suliassaqaarfimmi siunnersuummi anguniagarineqartumi sanaartornermut periaatsit pillugit siunnersuisarneq kommuninut akeqanngitsumik neqeroortigineqartassanersoq ersarinngilaq. Tassunga tunngatillugu kommunit sanaartornermut periaatsit pillugit siunnersuisarneq kisimi ujartunngilaat, aammali isumaginninnermi teknologii kiisalu siunissami utoqqaat illuisa ilusilersorneqarnissaannut tunngatillugu immikkut ilisimasat qitiusumik inissinneqarnissaannut tunngasut aamma pineqarput.

Naalackersuisut utoqqaat pillugit periusissiaanni utoqqaat pillugit suliassaqaarfimmi ineqarnissamut neqeroort nutaaq siunniunneqarpoq, tassani illoqarfinni anginerusuni utoqqaat najugaqatigiiffiattut nassuiaatigineqartunik. Kommunini tunngaviusumik suliniut ajunngitsutut isumaqarfigineqarpoq, taamaattorli immikkoortut assigiinngitsut qulaajarneqanngitsut pillugit ernumassuteqarlutik; aningaasaliissuteqarneq, pineqartut, najugaqatigiiffinni kiffartuussissutaasussatut naatsorsuutigineqartut kiisalu atuisut akiliutaannut tunngasut. Kommunit utoqqarnut najugaqatigiiffinnik pilersitsinissaannut suliniut siunnersuummi kommunit Namminersorlutik

Oqartussallu akornanni aningaasaleriaaseq 50/50-itut nassuiaatigineqarpoq. Utoqqaat pillugit periusissiami saqqummiunneqartumi suliniutini 6, 9 aamma 10-mi ilanngunneqarpoq (tassunga ilanngullugu suliniutissatut utoqqarnut najugaqatigiiffiornissaq), misissorneqassasoq:

*”Kommunit aningaasaleeqataasinnaanerat ataatsimut tapiissutit pillugit isumaqatigiissutinut ilaatillugit periarfissamik ujartuisoqassaaq.”*

Tassunga tunngatillugu kommuninit utoqqarnut najugaqatigiiffinnik sanaartornissamut siunnersuutit sukumiisut utaqqineqarput.

#### Sulisoqarnikkut naliliineq ingerlariaqqinnissarlu

Suliffeqarnermut Isumaginninnermullu Ingerlatsivimmit ataatsimut isigalugu nalilerneqarpoq utoqqaat pillugit periusissiami suliniutit kommunini kiffartuussinernut aningaasaqarnermullu tunngasut annertunerusumik tatisimaneqarnerulissasut, attassisinnaanermut ajornartorsiut kiisalu suliniutinut aningaasaliissutit annertunerusumik sammeneqanngippata. Suliffeqarnermut Isumaginninnermullu Ingerlatsivimmit utoqqaat pillugit periusissiami siunnersuutit saqqummiunneqartut piviusunngortinneqarnissaannut ataatsimut tapiissut pillugit isumaqatiginninniarnissaq qilanaarineqarpoq.

#### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

#### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppernarsaatillit**

- Utoqqaaneq pitsaasoq - periarfissat, atugarissaarneq siunissarlu nukittunerusoq (Naalakkersuisut utoqqaat pillugit periusissiaat)

#### **Ilanngussat**

1. Naalakkersuisut utoqqaat pillugit periusissiaat
2. Tusarniaanermut akissut - Utoqqaat pillugit periusissiamut siunnersuut, Kommuneqarfik Sermersooq
3. Naalakkersuisut utoqqaat pillugit periusissiaannut tusarniaanermut akissummut akissutaasimasumut akissuteqaqqinneq

## **Punkt 4: Majoriat 2023-mi ingerlanneqarnerat pillugu Namminersorlutik Oqartussanik isumaqatigiissuteqarneq nutaaq**

### **Beslutning**

Ilisimatitsissut tusaatissatut tiguneqarpoq.

### **Bilag**

Majoriat 2023-mi ingerlanneqarnerat pillugu Kommuneqarfik Sermersuup aamma Kalaallit Nunaanni Namminersorlutik Oqartussat akornanni tapiissuteqarnissamut isumaqatigiissut

## **Majoriat 2023-mi ingerlanneqarnerat pillugu Namminersorlutik Oqartussanik isumaqatigiissuteqarneq nutaaq**

Ilisimatitsissut

SagsID.: EMN-2023-01115

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Kommuneqarfik Sermersooq 2023-mi februaarimi Namminersorlutik Oqartussanut 2023-mi Majoriap ingerlanneqarneranut ukiumoortumik ingerlatsinermi tapiissutinik nutaamik isumaqatigiissuteqarfiginnippoq. Tassani ilinniartut amerlassusissaannik agguataarineq 259-imut qaffatsinneqarput Tasiilami Majoriami ilinniartut amerlassusissaat 15-inik ilanearlutik. Ilinniartunut inissaat qulit Siu-Tsiumut atorneqarput, taakkua manna tikillugu Paamiuni Majorami ilinniartut amerlassusii naapertorlugit aningaasaliiffineqartarsimapput. Utaqqisut ikilisinniarlugit ilinniartunut inissaat tallimat sinneruttut suliffimmi sungiusaarnermut atorneqassapput. Isumaqatigiissut ilanngussatut ilanngunneqarpoq.

### **Ingerlatsivimmit aningaasatigut sulisoqarnikkullu naliliinerit**

Soqanngilaq.

### **Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

### **Inatsisitigut tunngavissaq allakkallu tunngaviusumik uppersaattillit**

- Majorianik ingerlatsineq pillugu angusassat pillugit isumaqatigiissut 2022-2024
- Majoriat 2023-mi ingerlanneqarnerat pillugu Kommuneqarfik Sermersuup aamma Kalaallit Nunaanni Namminersorlutik Oqartussat akornanni tapiissuteqarnissamut isumaqatigiissut

### **Ilanngussat**

1. Majoriat 2023-mi ingerlanneqarnerat pillugu Kommuneqarfik Sermersuup aamma Kalaallit Nunaanni Namminersorlutik Oqartussat akornanni tapiissuteqarnissamut isumaqatigiissut

## **Punkt 5: Piffissami januaarimiit marsimut 2023 pissaanermik atuisimaneq pillugu nalunaarutinik ilisimatitsissut**

### **Beslutning**

Ilisimatitsissut tusaatissatut tiguneqarpoq.

# Piffissami januarimiit marsimut 2023 pissaanermik atuisimaneq pillugu nalunaarutinik ilisimatitsissut

Ilisimatitsissut

SagsID: EMN-2022-08750

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

## Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa

- ilisimatitsissut tusaatissatut tiguneqassasoq

## Suliassamik saqqummiussineq

Ataatsimiititaq ilisimatinneqartassaaq pissaanermik atuisimanerit pillugit nalunaarusianik, qaammatit pingasut qaangiunneri tamaasa. Ilisimatitsissummi paasissutissat nalunaaruteqarnermi immersukkat attuumassuteqartut ikiorsiullugit katersorneqarput.

Pissaanermik atuisimaneq takussutissaliorneqartarpoq, qulakkeerniarlugu pissaanermik atuisoqarsimanermit tunngasunik suliaqartoqartillugu innuttaasut sulisullu perorsaanermit tunngasunik suliatigullu eqqarsaatigineqarsinnaasunik eqqortumik iliortoqarsimaneranik uppersaatissaqarnissaq.

## Nalunaarutit qassiuneri

### Utoqqarnik suliassaqarfik

Nalunaarutigineqartut	Piffissami 2023-mi januarimiit marsimut amerlassusii
§ 38 - Aalajangerlugu tigummininneq imaluunniit allamukaassineq	0
§ 39 - Eqqiluutsuutitsinissamik aalajangiusimasaraqarneq	2
§ 43 – Najugarisami tigummisaaneq	0
§ 40 – Ujatsiutaasamik annoraaminermik atuneq	1

Kvartalikkuaartumik ilisimatitsinermit kingullermit amerlangaatsiartunik nalunaarutiginnittoqarpoq. Utoqqarnik paaqqinniffinni inuit pingaarutillit puigortunngortunut ataqatigiissaarisumit ilinniartinneqarnerannut atatillugu annertuumik eqqumaffiginnilerneq pissutaasoq naatsorsuutigineqarpoq. Kvartalimi uani nalunaarutiginnittut appasinnerannut amigartumik nalunaaruteqartarneq pissutaasoq naatsorsuutigineqarpoq. Puigortunngortunut ataqatigiissaarisup eqqumaffigaa, inuit pingaarutillit ataavartumik malitseqartitsivigineqarnissaat, taamaalilluni nalunaarutiginninnerit amerlassusaat eqqortuunerussalluni. Utoqqaat illuini sulisunik taarseraanneq ataatsimut isigalugu annertuvoq, kingullertigullu aamma nutaanik arlalinnik aqutsisoqalerluni, tamatumalu ilinniartitsinerunissamut uteqqiinissamullu pisariaqartitsineq annertusitippaa.

Innarluutilinnut eqqarsartaatsimikkut nappaatilinnullu Immikkoortorta qarfimmi inissanik agguasarnermi pissaanermik atueratarsinnaasut annikitsuinnaapput, ineqartussat pissaanermik atueratarsinnaasut Namminersorlutik Oqartussat imaluunniit Danmarkimi ulloq unnuarlu paaqqinniffiusunut innersuunneqartarmata. Najugaqatigiiffimmi ataatsimi immikkut ittumik unnuarsiortuliisoqarnikuuvoq, tamannalu ineqartut ilaasa sakkortusaaratarsinnaaneraniq tunngaveqarpoq. Qaammatini kingullerni BVC-imik piareersaallunilu aallarnisaasoqarnikuuvoq. BVC tassaavoq aqqissuussaasumik pissaanermik atueratarsinnaasunik nalilersuisarnerit, tamatumalu siunertaralugu sakkortuulioratarsinnaanermik pitsaaliuinissaq kiisalu sulisut pissaanermik atueratarsinnaanerisa minnerpaaffianiitinnissaat.

#### Nalunaarutiginninnermik malinnaaffiginninneq

Nalunaaruteqarnerit sulisumit immersorneqassapput, immikkoortumi aqutsisoq imaluunniit immikkoortoqarfimmi aqutsisoq suleqatigineqarsinnaavoq. Nalunaaruteqarnerit ataasiakkaanut tunngatillugu, malitseqartitsisoqassanersoq aamma pitsaaliuutaasinnaasumik suliniuteqartoqassanersoq isummertoqartassaaq, nalunaaruteqarnermut pissutaasut qanorpiaq ittuunera tunngavigalugu.

Najugaqatigiiffinni aqutsisut, taakkunani immikkoortoqarfimmi aqutsisut kiisalu fagcheffi tamarmik nalunaarutinik suliaqartussaapput, ataasiakkaanullu tunngatillugu nalunaarutiginnittoqarnerani suliniutinut aallartinneqarsimasunut tamarmik immikkut oqaaseqaateqartarput. Taassuma saniatigut pitsaaliuineri suliniutit oqaluuserineqartarput.

#### **Ingerlatsivimmit aningaasatigut sulisoqarnikkullu naliliinerit**

Soqanngilaq.

#### **Suliffeqarfimmut Kiffartuussivimmit aningaasatigut naliliineq**

Attuumassuteqanngilaq.

#### **Inatsisitigut tunngavissaq allakkallu tunngaviusumik uppersaatiillit**

- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8, 20. juuni 2022-mersooq

#### **Ilanngussat**

Soqanngilaq.

## **Punkt 6: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik**

### **Beslutning**

Ilisimatitsissut tusaatissatut tiguneqarpoq.

### **Bilag**

Suliffissaaleqisut kisitsisaannut takussutissiat

## **Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik**

Ilisimatitsissut

SagsID.: EMN-2023-00083

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### **Inassuteqaat**

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2023-mi februaarimut marsimullu tunngasuvoq.

### Nuuk

Nuummi ukiumi suliffissaaleqineq qaffarialaarpoq, tamannalu ukiup qanoq ilineranut tunngassuteqarpoq. Majoriami suliassat tamarmik inatsisitigut pituttugaasut ataavartumik suliarineqartarput. Majoriamit suliniutit nalinginnaasut qulaajaanermut tunngasut saniatigut suliffissaaleqisut matchgruppe 2-miittut pillugit suliniutit nutaat suliaralugit ingerlanneqarput, tassani Majoriami Meeqqat atuarianni inaarutaasumik soraarummeernissaannut sungiusarnissaq ilagissavaat.

### Paamiut

Paamiuni suliffissaaleqineq suli aalaakkaasuvoq. Majoriami suliassat tamarmik inatsisigut pituttugaasut ataavartumik suliarineqartarput.

### Tasiilaq

Tasiilami ukiumi suliffissaaleqineq qaffarialaarsimavoq, tamannalu ukiup qanoq ilineranut tunngassuteqarpoq. Majoriami suliassat tamarmik inatsisigut pituttugaasut ataavartumik suliarineqartarput.

### Ittoqqortoormiit

Ittoqqortoormiini suliffissaaleqisut ataavartumik amerlanngillat. Majoriami suliassat tamarmik inatsisigut pituttugaasut ataavartumik suliarineqartarput.

### Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqisut katitigaanerit ukiuni kingullerni 2-3-ni ikiliartorsimapput, taamaattumillu siunissami suliniuteqarnermi matchgruppe 2-miittut ukkanneqassapput.

Suliffissarsiuussisarfimmit suliassaqarfimmi suliassat pingaarnerit suliarineqartarneri suli pitsaanerulersinniarneqassapput, tamatumalu kingunerisaanik suliffissaaleqisut ikiliartuaassapput. Ukiunut kingullernut 2-3-nut sanilliullugu suliffissaaleqisut suli ikiliartornissaat suliffissarsiuussisarfimmit naatsorsuutigineqarpoq, tassa suliffissaaleqisut amerlassusii 2019-imi, 2020-mi, 2021-mi aamma 2022-mi kisitsisinut sanilliullugit suli ikinnerummata. Ilanngussani takussutissiaq 1 aamma 2 takukkit.

Piffissami tassani  
innersuunneqarsimasut  
nalunaarsorneqarnerat

Suliffeqarnermut  
Isumaginninnermullu  
Ingerlatsivimmit suliffissaaleqisut  
amerlanerusut suliffittaarnissaannut  
innersuunneqarnissaat suli  
sulissutigineqarpoq. Matumani  
piffissami innersuunneqarsimasunut

	2023-mi februaarimi innersuussat amerlassusiat	2023-mi marsimi innersuussat amerlassusiat
<b>Sumiiffik</b>		
Nuuk	17	28
Paamiut	15	23
Tasiilaq	2	6
Ittoqqortoormiit	0	0
Nunaqarfanni tamani	0	1

nalunaarsuinerit tulliuuttumi tabelimi takuneqarsinnaapput. Innersuussisarnermut tunngasut suli 2022-imi ukkatarineqarluarput, tamannalu 2023-mi suli ukkatarineqassaaq. Anguniagaavoq suliffissaaleqisut piginnaasaatigut ineriartortinneqarnerisa kingunerisaanik (pikkorissaanerit il.il. iluaqutigalugit) suliffeqarfiillu suleqatiginerisigut suliffissaaleqisut amerlanerit kommunip illoqarfiini nunaqarfiinilu sulilersinnissaat, aammalu inuusuttut suliffissaaleqisut Majoriap neqeroorutaanik ingerlatsinissaannut innersuunneqartarnissaat.

Matchgruppinit agguataarinerit naatsorsorneqarnerat

Suliniutit, pingaartumik suliffissaaleqisunut matchgruppe 2-niittunut, aallartinneqassapput upernaallu ingerlanerani nangingneqarlutik. Iliuusissatut pilersaarutit malitseqartinneqarnissaannut aggersaanikkut, kingorna qulaajaanissamat innersuussinikkut tulliatullu suliffimmi misiliititsinikkut tamakku ingerlanneqassapput. Taamaaliornikkut suliffissaaleqisut tarnikkut timikkullu sulisinnaassusaat piviusumik takuneqarsinnaalissapput. Ilanngussami takussutissiaq 3 takuuk.

Avataaniit suliarortut naatsorsorneqarnerat

	Februaari	Marsi
Akuersissutit amerlassusiat	41	51
Allaffeqarfimmit akuersissutinut kisitsisaatit	3	1
Itigartitsissutit amerlassusiat	8	1
Sivitsuinerit amerlassusiat	31	36
Taamaatitsinerit amerlassusiat	0	1
<b>Aalajangiinerit katillugit</b>	<b>83</b>	<b>90</b>

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

Ujartuilluni ilitsersuisarnerup naatsorsorneqarnera

Majoriaq inuusuttunut 16-30-it akornanni ukiulinnut ujartuilluni ilitsersuisarnermik suliaqartassaaq. Ujartuilluni ilitsersuineri sullinniakkat inuusuttuupput suliffissaaleqisut, ilinniakkamik ingerlatsinngitsut kiisalu Majoriami suliffissaaleqisutut nalunaarsorneqarsimannngitsut.

Akuersissuteqarnissamat tunngasunut inatsisitigut najoqqutassat qulaajarneqarnissaat pillugu ujartuilluni ilitsersuineq unitsikkallarneqarpoq, maannakkullu pisortat oqartussaaffiinit paasissutissat pissarsiariniarneqarput, tamatuma kingorna ilitsersuineq aallarteqqinneqassaaq.

**Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutinut kiisalu suliffeqanngikkallarnermi pisartakkanut aningaasartuutitut aningaasaqarnikkut sulisoqarnikkullu sunniuteqartarput.

**Suliffeqarfimmum Kiffartuussivimmit aningaasatigut naliliineq**  
Pisariaqanngilaq.

**Inatsisitigut tunngavissaq allakkallu tunngaviusumik uppersaatillit**

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

**Ilannussat**

1. Suliffissaaleqisut kisitsisaannut takussutissiat

## **Punkt 7: Oqartussaaffeqarfiup angusai sullissinermilu anguniagai - 1 kvartali 2023**

### **Beslutning**

Ilisimatitsissut tusaatissatut tiguneqarpoq.

## Oqartussaaffeqarfiup angusai sullissinermilu anguniagai - 1 kvartali 2023

Ilisimatitsissut

SagsID.: EMN-2023-01259

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamat inassuteqaatigaa:

- Oqartussa qarfimmil angusassatut kiffartuussinermilu anguniakkat pillugit ilisimatitsissut tusaatissatut tiguneqassasoq

### Suliassamik saqqummiussineq

Oqartussa qarfimmil ulluinnarni sulinermit innuttaasut pitsaanerpaamik sullinneqarnissaat ukkatarineqarpoq. Innuttaasup qitiutinneqarnissaa annertuumik pingaartinneqarpoq. Oqartussa qarfimmil matchgruppe 3-miittut iliuusissamik pilersaarusiorneqarnissaata pitsanngorsaaviginissaa ilaatigut qitiutinneqarpoq, tassaniimmata innuttaasut timikkut inooqataanikkulluunniit ajornartorsiuteqarneq pissutigalugu sulileriaannaangitsut.

Pisortanit ikiorsiissuteqartitsinerup siunertaraa, innuttaasut, Kalaallit Nunaanniittut, allatigut periarfissaqanngikkaangata allatigullu ikiorneqarnissamat periarfissaarukkaangata aningasaqarnikkut isumannaatsumik inissisimanissaat. Tassa imaappoq, pisortatigut ikiorsiissutit tunniunneqartinnagit kommunip aningaasaqarnikkut tapiissutinik allatigut periarfissaasinnaasut misissoqaarnissaat pisussaaffigaa.

Pisortatigut ikiorsiissutinut peqqussummi iliuusissatut pilersaarutit innuttaasumut neqeroorutaapput. Tassa imaappoq, innuttaasumut iliuusissatut pilersaaruteqarnissaa piunasaqaataangilaq, innuttaasorli iliuusissamik pilersaarusiornissamat neqeroorfigineqassaaq. Suliffeqarnermut Isumaginninnermullu Ingerlatsivimmit innuttaasut anguniagaqarluarluni sullinnissaat pingaaruteqartoq misilittagarineqarpoq, tassungalu siunertamat iliuusissatut pilersaarutit sakuupput pingaaruteqarluinnartut. Tamanna pillugu kikkut tamarmik sapinngisamik iliuusissatut pilersaarusiunnissaat sulissutigineqarpoq.

Qaammatit pingasukkuutaarlugit pisortatigut ikiorsiissutinik pisartut eqqortumik naleqquttumillu tunineqartarnerat qulakkeerniarlugu malitseqartinneqartarput.

Oqartussa qarfimmil isumaginninnermut siunnersortit sullissisullu tamakkerlutik innuttaasunik sullissinerup sapinngisamik tamakkiisuunissaanik qitiutitsillutik sulipput. Tamanna aallaavigalugu sullissinissamik anguniakkat ukuupput:

- Pitsaasumik, sukumiisumik piffissaatillugulu sullissinissaq qulakkeerneqassasoq
- Pitsaasumik innuttaasunik sullissineq qulakkeerneqassasoq
- Sillimaffiginngisamik innuttaasoq nalaataqartillugu isumaginninnermut siunnersortimik/ sullissisumik erngertumik oqaloqateqarsinnaanera pisinnaasarpoq
- Sillimaffigisassaangitsunik saaffiginilluni piffissamik inniminniinermit oqaloqateqarnissamat utaqqineq ullunik 14-inik sivilunerussanngilaq
- Ulluni suliffiusuni nal. 8.30-10 sisamanngornikkullu nal. 16-17 oqarasuaatikkut saaffiginittoqarsinnaavoq
- Innuttaasut utoqqaat, pitsorluttut innarluutililluunniit angerlarsimaffiitut isumaginninnermut siunnersortimit orninneqarsinnaapput.

- Isumaginninnermik Sullissivimmi isumaginninnermut siunnersorti pinartoqartillugu pigaartoq saaffiginninnermik tigooraasuusarpoq
- Qinnuteqaatit suliarineqarnissaannut utaqqineq ullunik 10-nik sivisunerussanngilaq
- Akiligassat suulluunniit piffissaatillugu akilerneqartut 95 procentimiinnissaat
- Oqaloqatiginninnerit 90 procentiisa ullut 10-t iluini pisarnissaat
- Innuttaasut tamarmik matchgruppe 3-miittut iliuusissatut pilersaarusionerfigineqassapput
- Siusinaartumik pensionisiaqalernissamat qinnuteqaatit suliarineqartarnerisa sivikinnerulersinnissaat
- Ineqarnermut tapiissutinik qinnuteqaatit suliarineqartarneri ullut tallimat iluini pisassasoq
- Isumaginninnermik Sullissivik ingerlatsivimmut tamarmut aallaaveqartumik sullissiviuvoq Saaffikkuminartuupput inussiarnersuullutillu. Kommunip ammanerata nalaani ammasarpoq
- Pisortanit ikiorsiissutinik qinnuteqaatit suliarineqartarneri tamarmik ullut qulit iluini pisarput

Pisortanit ikiorsiissutisisut amerlassusiat	623
Isumaginninnermik Sullissivimmut saaffiginninnerit amerlassusiat	4.220
Piffissaq eqqorlugu akiliinerit procentinngorlugu naatsorsorneqarneri	90%

**Aaqqiissutissatut siunnersuut – suliaticut naliliineq**

Suliffeqarnermut Isumaginninnermullu Ingerlatsivimmi Oqartussaqaarfiup kissaatigaa, siunertalimmik anguniakkat amerlassusiat pillugu ammanerunissaq, tassungalu ilanngullugu aqutsisunut ilisimatitsisarnissaq kvartalikkuaartumik pisartussaqaq siunertalimmik anguniakkat kisitsisinngorlugit takussutissaliortoqartassasoq.

**Ingerlatsivimmit aningaasatigut sulisoqarnikkullu naliliinerit**  
Soqanngilaq.

**Suliffeqarfimmut Kiffartuussivimmit aningaasatigut naliliineq**  
Pisariaqanngilaq.

**Inatsisitigut tunngavissaq allakkallu tunngaviusumik uppersaatitallit**  
Soqanngilaq.

**Ilanngussat**  
Soqanngilaq.

## **Punkt 8: Suliat Isumaginninnermi Naammagittaalliuteqartarfimmeersut Suliffeqarnermut Isumaginninnermullu Ingerlatsivimmut attuumassuteqartut**

### **Beslutning**

Ilisimatitsissut tusaatissatut tiguneqarpoq.

# Suliat Isumaginninnermi Naammagittaalliuteqartarfimmeersut Suliffeqarnermut Isumaginninnermullu Ingerlatsivimmu attuumassuteqartut

1. kvartali 2023

Ilisimatitsissut

SagsID.: EMN-2023-01192

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

## Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

## Suliassamik saqqummiussineq

1. kvartali 2023-mi Suliffeqarnermut Isumaginninnermullu Ingerlatsivik

Isumaginninnermi Naammagittaalliuteqartarfimmit aalajangiinernik 18-inik tigusaqarpoq.

Piffissami tamatumani innuttaasut ima amerlatigisut pisortanit ikiorsiissutinik pisartagaqarsimapput:

Ikiorsiissut	Ikiutinik pisartagallit amerlassusaat
Ernereermermi ullormusiat	121
Ineqarnermut akiliummut tapiissutit	1.375
Siusinaartumik pensionisiallit	926
Utoqqalinersiat	1.218
Pisortat ikiorsiissutaat ineqarnermut akiligassat ilanngullugit	736
Suliffeqanngikkallarnermi ikiorsiissutit	367
<b>Katillugit</b>	<b>4.743</b>

\*Paasissutissat AX-miit ulloq 03. aprili 2023 aaneqartut.

Suliat Isumaginninnermik Naammagittaalliuteqartarfimmeersut ima agguataarsimapput (KS = Kommuneqarfik Sermersooq):


Suliap suussusaa	Kommune ilalerneq arpoq	KS-ip aalajangiinera atorunnaarsinneqarpoq/allanngortinneqarpoq innuttaasoq ilalerneqanngikkaluartooq	Atorunnaarsinn eqarpoq	Utertinneqartut	Innuttaasoq ilalerneq arpoq
Erninnermi sulinnigiffeq arnerit.	0	0	0	0	0
Ineqarnermut akiliummut tapiissutit	0	0	2	1	0
Siusinaartumik pensionisiallit	0	0	1	0	1

<b>Utoqqalinersiat</b>	0	0	0	0	0
<b>Pisortanit ikiorsiissutit</b>	2	0	1	2	0
<b>Suliffissaale qisunik ikiorsiineq</b>	1	0	1	2	0
<b>Allat</b>	1	0	2	0	1
<b>Tamakkerlugit</b>	<b>4</b>	<b>0</b>	<b>7</b>	<b>5</b>	<b>2</b>

Tabelimi takuneqarsinnaasutut Isumaginninnermi Naammagittaalliuuteqartarfimmit Suliffeqarnermut Isumaginninnermullu Ingerlatsivik suliani 4-ni ilalerneqarpoq, 5-t utertinneqarput; suliani 2-ni innuttaasoq naammagittaalliuuteqarnermini ilalerneqarsimavoq.

Kommuneqarfik Sermersuumi Isumaginninnikkut Naammagittaalliuuteqartarfimmit aaliangikkanut tunngasut nikerarnerat

Takuuk takussutissiimi piffissap ingerlanerani Isumaginninnikkut Naammagittaalliuuteqartarfimmi aaliangikkat nikerarnerat. Piffissap ingerlanerata ilaani aalajangikkat taama amerlatigisimangillat. Assersuutigalugu 4. kvartali 2020-imi aalajangiiffigisat arfineq-marluinnaasimapput, 1. kvartali 2022-mili aalajangiiffigisat qaffariarsimanerat takuneqarsinnaalluni. Tamatuma naammagittaalliuutit amerlanerulersimanerat takutinngilaa kisiannili naammagittaalliuuteqartarfiup sulianut uninngasuutigisanut sukumiisumik iliuseqarsimaneranik tamanna tunngaveqarluni. Tamanna maannakkut angusimavaat taamaalilluta takusinnaalerparput aaliangiiffigisassat appariarsimanerat. Takussutissiimi titarneq tungujortumik suliat amerlassusaat takutinneqarput. Taamatuttaaq suliani amerlangaatsiartuni kommune ilalerneqartartoq maluginiarneqartariaqarpoq.





### Aalajangiinerit nassuiaataat

Isumaginninnermut Naammagittaalliuuteqartarfiup Suliffeqarnermut Isumaginninnermullu Ingerlatsiviup aalajangiineranik atorunnaarsitsineranut allannguisimaneranulluunniit pissutaasinnaavoq, Suliffeqarnermut Isumaginninnermullu Ingerlatsiviup aalajangenera Isumaginninnermut Naammagittaalliuuteqartarfiup kukkusutut atorsinnaanngitsutulluunniit nalilerpagu, innuttaasoq naammagittaalliuutimini ilalernerqarsimannikkaluartoq. Assersuutitut taaneqarsinnaavoq, Suliffeqarnermut Isumaginninnermullu Ingerlatsivik siusinaartumik pensionisiaqalertussaannngitsumut siusinaartumik pensionisiaqalersitsisimappat.

Sulianik utertitsineq isumaqarpoq, suliat Suliffeqarnermut Isumaginninnermullu Ingerlatsivimmut suliakkiissutigineqaaqqissasut. Tassunga pissutaasinnaavoq, suliament paasissutissat amigarsimasut, taamaalilluni Isumaginninnermi Naammagittaalliuuteqartarfik aalajangiisinaanani. Taamaattumik ingerlatsiviup suliaraq suliareqqissavaa, tamannalu aalajangiisimanerup assinganik kinguneqarsinnaavoq imaluunniit nutaamik aalajangiisoqarluni.

Utertitsinnermut pissutaasut amerlasoorsuusinnaapput. Assersuutigalugu innuttaasumit paasissutissat amigaataappata nutaanilluunniit paasissutissanik takkuttoqarsimappat. Imaassinnaavorluunniit kommune qinnuigineqartoq aalajangiineq annertunerusumik tunngavilersoqqullugu.

Utertitsineq tunngaviusumik pissuteqarpat, Suliffeqarnermut Isumaginninnermullu Ingerlatsivimmit malinnaavigineqassaaq utertitsineq sulianut assingusunut suleriaatsimik allanngortitsinissamut qanoq pissutissiitiginersaq.

Nalinginnaasumik Suliffeqarnermut Isumaginninnermullu Ingerlatsivimmit Isumaginninnermut Naammagittaalliuuteqartarfiimmit aalajangikkat malinnaaffigineqartorujussuusarput. Taamaattumik Suliffeqarnermut Isumaginninnermullu Ingerlatsivimmi Isumaginninnermut Naammagittaalliuuteqartarfiimmi aalajangikkat malinnaaffiginiarlugit ingerlatsivimmi sulisut pingaarnerit aalajangersimasumik ataatsimiittarput.

Isumaginninnermut Naammagittaalliuuteqartarfik siornatigumut naleqqiullugu nutaamik suliareqqitassanngortitsilluni amerlanerusunik utertitsisarpoq. Suliament utertinneqartartut ikilisarneqarnissaat Suliffeqarnermut Isumaginninnermullu Ingerlatsivimmit anguniarneqarpoq, taamaaliornekkut suliament eqqortumik, paasinartumik tunngavilersorluakkamillu suliarineqarnissaat qulakkeerneruniarlugu.

Innuttaasut ataasiakkaat pisariaqartitaat inatsillu atuuttoq eqqarsaatigalugit aalajangiisarnerit eqqortuunissaat pillugu Isumaginninnermut Suliffeqarnermullu Ingerlatsivimmit sullissinerup pitsaassusaa qulakkeerniartussaavoq. Suliament naammassisimasut kisitsisinngorlugit Suliffeqarnermut Isumaginninnermullu Ingerlatsivimmit kvartalikkaarlugit saqqummiunneqartalissapput.

### **Ingerlatsivimmit aningaasatigut sulisoqarnikkullu naliliinerit**

Soqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaattillit**

- Isumaginnittoqarfiup aqunneqarnera aaqquussuussaneralu pillugit Inatsisartut peqqussutaat nr. 11, 2. november 2001-imeersumi §8 imm. 1, tassunga ilanngullugit isumaginnittoqarfiup aqunneqarnerat aaqquussuussaneralu pillugit kingorna allannguutit

**Ilanngussat**  
Soqanngilaq.

## **Punkt 9: Siu-Tsiu-mik naliliineq 2021-2022**

### **Beslutning**

Ilisimatitsissut tusaatissatut tiguneqarpoq.

## Siu-Tsiu-mik naliliineq 2021-2022

Ilisimatitsissut

SagsID.: EMN-2022-09230

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Siu-aamma Kommuneqarfik Sermersuup akornanni 2021-mi juunimi ukiuni pingasuni atuuttussamik ingerlatsinermut isumaqatigiissuteqartoqarpoq. Tassani § 10 malillugu Suliffeqarnermut Isumaginninnermullu Ingerlatsivimmit ukiumut ataasiarluni Siu-Tsiu-mik nalilersuineq suliarineqartassaaq.

2023-mi januaarimi nalilersuisoqarpoq, tassanilu siullermeertumik Siu-Tsiu-mik ingerlatsinermit sunniutaagallarsimasoq atuartut suliffeqarnerannut aamma/imaluunniit ilinniagaqarnerannut killiffiat uuttortarneqarpoq. Naliliineq Siu-Tsiup 2022-mi aggustimi killiffik pillugu nalunaarusiaa, 2022-mi qarasaasiakkut nalunaarsuinerit kiisalu 2023-mi januaarimi Siu-Tsiu-mit atuartut killiffiat pillugu malitseqartitsinerit tunngavigalugit suliarineqarpoq. Naggasiullugu Piorsaavimmi atuartut ingerlatsinerup kingorna killiffiannut assersuusiortoqarpoq.

### Angusanik eqikkaaneq

Siu-Tsiu-mi atuartut ingerlatsisut 85 %-i ukioq siulleq naammassipput, tamannalu Tasiilami piffissani 2021/2022-mi aamma 2020/2021-mi Piorsaavimmit qaffasinneruvoq, tamassalu skemami tulliuuttumi takutinneqarpoq:

Tasiilami ingerlatsineq	Naammassineqartut amerlassusii	Procentinngorlugu
Siu-Tsiu 2021/2022	13-init 11-t	85 %
Piorsaavik 2021/2022	14-init 10-t	71 %
Piorsaavik 2020/2021	20-nit 11-it	55 %

Tamatuma saniatigut Siu-Tsiu-mi atuartut 64 %-i ingerlatsinerup kingorna ukiup affaa qaangiukkaangat atuartarput, ilinniagaqartarput imaluunniit sulilersimasarput. Piorsaavimmi ukioq atuarfiusoq 2020/2021-mi atuartut 27 %-iusimapput aamma ukioq atuarfiusoq 2021/2022-mi atuartut 60 %-iusimapput. Taamaalilluni ingerlatsinerup kingorna Piorsaavimmiit Siu-Tsiu atuartut ilinniagaqalernissaannut imaluunniit sulilernissaannut kajumissaanermut iluatsitsinerusimarpassippoq. Taamaattorli ingerlatsinerup kingunerisaanit angusat toqqaannartumik atuartut killiffiinut apeqqutaasimanersut imaluunniit atuartut ingerlatsineranut assigiinngitsunut innersuunneqarsimasut assigiinngissuteqarsimanersut nalunarpoq.

### Ingerlatsivimmit aningaasatigut sulisoqarnikkullu naliliinerit

Soqanngilaq.

### Suliffeqarfirmut Kiffartuussivimmit aningaasatigut naliliineq

Pisariaqanngilaq.

**Inatsisitigut tunngavissaq allakkallu tunngaviusumik uppersaatillit**

- Suliffeqarfiit innuttaasunik tapersersortarialinnik suliffissaqartitsisut nalunaarsugaasut pillugit Inatsisartut inatsisaat nr. 31, 28. november 2019-imeersoq
- Suliffeqarfik Aningaasaateqarfillu imminut pigisoq Siu-Tsiup aamma Kommuneqarfik Sermersuup akornanni ingerlatsinermut isumaqatigiissut 2021-meersoq

**Ilannussat**

1. Matoqqasoq: Tasiilai Siu-Tsiu-mik naliliineq 2021-2022

## **Punkt 10: Utoqqaat Illuanni Tungiumi sinittarfik immikkut**

### **Beslutning**

Ilisimatitsissut tusaatissatut tiguneqarpoq.



## Utoqqaat Illuanni Tungiumi sinittarfik immikkut

Ilisimatitsissut

SagsID.: EMN-2023-01125

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### Suliassamik saqqummiussineq

Utoqqarnik suliassarfik utoqqarnut puigortunngortunut paaqqutarinninnissamut inissanik amigaateqarfiuvoq. Taamaattumik Utoqqaat Illuanni Tungiumi puigortunngortut immikkoortortaqarfiup allaffiit ilaat paaqqutarinninnermi ininngortinneratigut siniffissamik ataatsimik ilallugu allilerneqassasoq aalajangerneqarpoq. Piginnaatitsinermik agguataarinissamut pilersaarut najoqqutaralugu pisortaq tassaavoq ingerlatsiviup paaqqinnittarfiutaani inissanik ataasiakkaanik pilersitsinissamut, allannngortitsinissamut atorunnaarsitsinissamullu aalajangiisinnaasoq. Suliffeqarnermut Isumaginninnermullu Ataatsimiititaq matumuuna suliassamik saqqummiussinermi allannguinermik ilisimatinneqarpoq.

Siuliani Tungiumi marlunnik suleqatigiinnik ataqatigiissaarisooqarnikuuvoq massakkumiit ataasiinnannngortinneqartussamik. Taamaattumik sulisut tamarmik allaffimmut ataatsimut ataatsimoortinneqalersinnaapput tamannalu innuttaasumut puigortunngortumut paaqqutarineqartariaqartumut siniffissiamut ataatsimut inissaqartitsilissaaq. Ini allannngortinneqartoq paaqqutarinninnermi inioqqaarnikuuvoq najugarineqarnissaminullu naleqqulluni.

### Ingerlatsivimmit aningaasatigut sulisoqarnikkullu naliliinerit

Suleqatigiinnik ataqatigiissaarisutut atorfimmik atorunnaarsitsineq paaqqutarinninnermik sulisumik nalinginnaasumik iluarsissuteqarfigineqassasoq nalinginnaasumillu ingerlatsinermi aningaasartuutinin annertunerulaalersitsissasoq ingerlatsivimmit nalilerneqarpoq. Taamaattumik allannguinerup annertunerusumik aningaasartuutaalernissaa naatsorsuutigineqanngilaq.

### Suliffeqarfimmut Kiffartuussivimmit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- o Utoqqarnik paaqqinniffiit il.il. pillugit Inatsisartut peqqussutaat nr. 11 ulloq 30. oktober 1998-imeersoq

### Ilanngussat

Ilanngussaqaanngilaq.

## **Punkt 11: Siunissami ataatsimiititani suliassat aalajangersimasut**

### **Beslutning**

Inassuteqaat akuersissutigineqarpoq.

### **Bilag**

Ataatsimiititami suliassat suliassaqarfikkuutaartumik immikkoortiterlugit siunnersuutigineqartut takussutissartaat

Ataatsimiititami suliassat ukiumoortumik pilersaarusionera

Suliffeqarnermut Isumaginninnermullu Ataatsimiititami maanna suliat ingerlanneqartut takussutissartaat

## Siunissami ataatsimiititani suliassat aalajangersimasut

Aalajangiiffigisassaq

SagsID.: EMN-2023-00442

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ingerlatsiviup siunissami ataatsimiititani suliassat aalajangersimasut pillugit siunnersuutaa akuerineqassasoq

### Suliassamik saqqummiussineq

Ulloq 21. februaari 2023 Isumaginninnermut Suliffeqarnermullu Ingerlatsivik Isumaginninnermut Suliffeqarnermullu Ataatsimiititamik immikkut ulloqartitsivoq, tassani ingerlatsiviup siunissami ataatsimiititani suliassat aalajangersimasut pillugit siunnersuut saqqummiunneqarpoq.

Allannguutissatut siunnersuutit suliassaqarfinni ataasiakkaaniittut ukunaniipput:

#### Suliffeqarnermut tunngasut

1. Ataatsimiititami suliassat akuttoqatigiissut qaammatikkuutaartumik ilisimatitsissutigineqartartut kvartalikkuuataartunngortinneqartut ukuupput:
  - Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik
2. Nutaatut suliffeqarnermut tunngasunik ukiup affakkuutaartumik killiffissiuisarneq

#### Oqartussaaffeqarfik

3. Nutaatut Oqartussaafimmi ukiup affakkuutaartumik killiffissiuisarneq
4. Ukiup affakkuutaartumik killiffissiuisarneq akuutinneqalissaaq ataatsimiititamilu aalajangersimasumik suliassat tulliuttut uku taarserneqassapput:
  - Aalajangiinerit DSA-t
  - Angusat kiffartuussinermilu anguniakkat
  - Isumaginnittoqarfimmi inissianut innersuussisarneq pillugu ilisimatitsineq

#### Utoqqarnik suliassaqarfik

5. Nutaatut Utoqqarnut tunngasunik ukiup affakkuutaartumik killiffissiuineq
6. Ukiup affakkuutaartumik killiffissiuisarneq akuutinneqalissaaq ataatsimiititamilu aalajangersimasumik suliassat tulliuttut uku taarserneqassapput
  - Utoqqarnut suliassaqarfimmi kisitsisit, piffissani aalajangersimasuni malitseqartitsisarnerit aamma ukiup affakkaarlugu nalunaarutit pillugit ilisimatitsineq

#### Inunnut innarluutilinnut aamma tarnimikkut innarluutilinnut tunngasut

7. Nutaatut ukiup affakkuutaartumik Inunnut Innarluutilinnut Tarnimikkullu nappaatilinnut tunngasuni killiffissiuineq.

Suliassaqarfiit immikkut ukiup affaanut killiffissiorneqarnerini aallaavittut fagschefip peqataaffigisassavai ataatsimiititami suliarineqarnerini.

Aalajangersimasumik ilisimatitsissutit allat allannguuteqartinnagit ingerlanneqassapput.

### Ingerlariaqqinnissaq

Inassutigineqartoq akuerineqassappat, siunissami ataatsimiititani suliassat aalajangersimasut pillugit siunnersuutigineqartoq atuutilersinneqassaaq ulloq 1. agusti 2023 aallarnefigalugu.

### **Ingerlatsivimmit aningaasatigut sulisoqarnikkullu naliliinerit**

Aalajangiineq Ingerlatsivimmut aningaasatigut sulisutigulluunniit kinguneqanngilaq

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaatillit**

- Kommuneqarfik Sermersuumut oqartussaqaarfiit immikkoortortaannut pilersaarut

### **Ilanngussat**

1. Ataatsimiititami suliassat suliassaqaarfikkuutaartumik immikkoortiterlugit siunnersuutigineqartut takussutissartaat
2. Ataatsimiititami suliassat ukiumoortumik pilersaarusiornera
3. Suliffeqarnermut Isumaginninnermullu Ataatsimiititami maanna suliat ingerlanneqartut takussutissartaat

## **Punkt 12: Nuummi Utoqqaat illuani siulersuisunut ileqqoreqqusat nutaat pillugit akuersissuteqarneq**

### **Beslutning**

Inassuteqaat akuersissutigineqarpoq, imatut oqaaseqaatitalerlugu:

Ataatsimiitamiit kissaatigineqarpoq ingerlatsivimmiit ileqqoreqqusatut siunnersuutigineqartut akornanni §2 im. 3-mi oqaaseqatigiit kingulliit allanngortinneqassasut, taamaasilluni ivertitsineq siulersuisuniit ingerlanneqartassalluni.

### **Bilag**

Utoqqaat Illuannut ileqqoreqqusat 2017-imeersut

Utoqqaat Illuanni siulersuisunut ileqqoreqqusassasut siunnersuut

## Nuummi Utoqqaat illuani siulersuisunut ileqqoreqqusat nutaat pillugit akuersissuteqarneq

Aalajangiiffigisassaq

SagsID.: EMN-2022-09158

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- Utoqqaat illuani siulersuisunut ileqqoreqqusat nutaat akuersissutigineqassasut

### Suliassamik saqqummiussineq

Siulersuisuni ilaasortamik toqqaanissamut tunngatillugu siusinnerusukkut suliassamik saqqummiussinermi kukkuneq

Utoqqaat Illuanni siulersuisunut ileqqoreqqusani 2005-imeersumi § 3, imm. 1 malillugu Suliffeqarnermut Isumaginninnermullu Ataatsimiititaq siulersuisunut ilaasortamik ataatsimik toqqaasussaasimavoq. Taamaattumik Suliffeqarnermut Isumaginninnermullu Ingerlatsivimmit kingullermik ataatsimiititap ataatsimiinnissaanut ulloq 21.02.2023 siulersuisunik toqqaanissamut tunngatillugu aalajangiiffigisassatut immikkoortoq saqqummiunneqarpoq, tassa ingerlatsivik isumaqarsimammat ileqqoreqqusat 2005-imeersut suli atuuttuusut.

Kingorna ingerlatsivimmit ileqqoreqqusat nutarterneqarsimasut kiisalu Suliffeqarnermut Isumaginninnermullu Ataatsimiititamit ulloq 4. aggusti 2017 akuersissutigineqarsimasut paasineqarpoq. Tassani allasimavoq Suliffeqarnermut Isumaginninnermullu Ataatsimiititami ilaasortamik toqqaasoqartariaqanngitsoq, siulersuisuni ilaasortat marluk Suliffeqarnermut Isumaginninnermullu Ataatsimiititami ilaasortaasussaammata imaluunniit ataatsimiititamit toqqaarneqarsinnaammata, Utoqqaat Illuani siulersuisunut ileqqoreqqusani 2017-imeersumi § 3, imm. 1 takuuk.

### Siulersuisunut ileqqoreqqusanik nutaanik akuersissuteqarneq

Suliffeqarnermut Isumaginninnermullu Ingerlatsivimmit siulersuisunut ileqqoreqqusat nutarterneqarput, taakkulu, Piginnaatitsinermik agguataarinissamut pilersaarut tunngavigalugu, Suliffeqarnermut Isumaginninnermullu Ataatsimiititamit akuersissutigineqartussaapput. Akuerineqareerpata ileqqoreqqusat Utoqqaat Illuata siulersuisuinut ilisimatitsissutitut saqqummiunneqassapput.

### Siulersuisunut ileqqoreqqusanut 2023-mi ilassutit:

- § 3, imm. 1. Siulersuisut suleriaasissartik namminneerlutik aalajangersaaffigissavaat. Tassani allanneqassapput ataatsimiittarnerit akuttussusaat, oqaluuserisassanut malittarisassat, ataatsimiinnissamut aggersaasarnerit kiisalu imaqarniliap nassiunneqartarnissaa.
- § 3, imm. 6. Ukiumoortumik ataatsimiittoqartassaaq, tassungalu najugaqartut tamarmik, qanigisaasut allallu utoqqaat illuanut immikkut soqutiginnittut peqataasinnaapput.
- § 4, Imm. 5. Aqutsisoq Utoqqaat Illuanut ukiut tamaasa suliffeqarfik pillugu pilersaarusiortassaaq kiisalu ukiup ingerlanerani killiffik pillugu allaaserisaqassalluni. Suliffeqarfimmut pilersaarut Kommuneqarfik Sermersuumi Suliffeqarfimmut Isumaginninnermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinnginnerani siulersuisunut akuerisassanngorlugu saqqummiunneqassaaq.

Siulersuisuni sinniisut amerlassusaat katitigaanerallu ileqqoreqqusami 2017-imeersumi allassimasut allannguuteqanngillat.

### Suleriaasissaq

Ingerlatsiviup ilisimasai tunngavigalugit Utoqqaat Illuani siulersuisunut suleriaaseqanngilaq. Taamaattumik siulersuisut tulliani ataatsimiilerpata tamanna suliarissavaat.

### **Ingerlatsivimmit aningaasatigut sulisoqarnikkullu naliliinerit**

Aalajangerneq aningaasatigut allaffissornikkullu kinguneqanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Suliassamik saqqummiussineq "Kommuneqarfik Sermersuumi Utoqqaat Illuini malittarisassat nutartikkat akuerineqarneri" Suliffeqarfimmut Isumaginninnermullu Ataatsimiititap ulloq 04.08.2017 ataatsimiinnerani saqqummiunneqartoq.
- Utoqqaat Illuat pillugu ileqqoreqqusat 2017-imeersut
- Kommuneqarfik Sermersuumut piginnaatitsinermik agguataarinissamut pilersaarut

### **Siusinnerusukkut aalajangernerit**

*Suliffeqarnermut Isumaginninnermullu Ataatsimiititaq, 21.02.2023*

Inassuteqaat imatut oqaaseqaatitalerlugu itigartitsissutigineqarpoq: Ataatsimiititami suliamut attuumassuteqartut ileqqoreqqusat, suleriaasissaq paasissutissallu allat attuumassuteqartut ataatsimiititamat saqqummiunneqarnissaat kissaatigaa.

*Suliffeqarnermut Isumaginninnermullu Ataatsimiititaq, 04.08.2017*

"Kommuneqarfik Sermersuumi Utoqqaat Illuanni ileqqoreqqusat nutartikkat akuerineqarneri". Innersuussutigineqartoq akuersissutigineqarpoq.

### **Ilanngussat**

1. Utoqqaat Illuannut ileqqoreqqusat 2017-imeersut
2. Utoqqaat Illuanni siulersuisunut ileqqoreqqusassasut siunnersuut

## **Punkt 13: Utoqqarnut sullissinermi 550.000 koruunit atorineqarnissaat**

### **Beslutning**

Inassuteqaat akuersissutigineqarpoq, imatut oqaaseqaatitalerlugu:

Siunnersuut siulleq toqqarneqarpoq.

## Utoqqarnut sullissinnermi 550.000 koruunit atorineqarnissaat

Aalajangiiffigisassaq

SagsID.: EMN-2023-00109

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- missingersuutit pillugit isumaqatigiissummi aningaasaliissutit qanoq atorineqarnissaat aalajangiiffigineqassasoq

### Suliassamik saqqummiussineq

2023-mut missingersuutit pillugit isumaqatigiissummut atatillugu utoqqarnut puigortunngortunullu tunngasunut immikkut 4 mio. koruunit aningaasaliissutigineqarput, taakkulu atorlugit utoqqaat atugarisaat, nerisaqarnermut, eqqiaanermut, inunnik isumaginninnermut kiisalu nunaqarfinni annertunerusumik tikikkuminarsaanermut tunngasut, pitsanngorsaavigineqassapput.

Ataatsimiititami ataatsimiinnermi 21. februar 2023-mi pisumi Suliffeqarnermut Isumaginninnermullu Ataatsimiititap Suliffeqarnermut Isumaginninnermullu Ingerlatsiviup siunnersuutai sisamaasunit pingasut akuersissutigai, aningaasat qanoq atorineqarnissaannut tunngasut. Siunnersuummi itigartinneqartumi 550.000 koruunit atorineqarnissaat itigartitsissutigineqarpoq, taamaalilluni uani suliamik saqqummiinnermi taakku qanoq atorineqarnissaat nutaamik siunnersuusiorfigineqarluni.

Aningaasaliissutit sunniutai 2024-mut missingersuutinut atatillugu nalilersorneqassapput, taamaattumillu aningaasaliissutit suliniutinut aalajangersimasunut, ingerlatsivimmit malitseqartitsiffigineqarsinnaasunut immikkoortinneqarnissai pingaaruteqarpoq.

Isumaginninnermut Suliffeqarnermullu Ingerlatsiviup Isumaginninnermut Suliffeqarnermullu Ataatsimiititamut innersuussutigaa siunnersuutit uku arlaat toqqarneqassasoq:

### Siunnersuut 1: Kalaaliminernut tunngasunik aqqissuussineq

Nerisaqartitsinnermi kalaaliminernut atugassanik aningaasanik illikartitsisoqarsinnaavoq, taamaalillutik utoqqaat peqqinnarnerusunik assigiinngiaarnerusunillu kommunimi inoqarfinni tamani nerisaqarnissaat qulakkeerneqassalluni.

### Siunnersuut 2: Utoqqarnut puigortunngortunut isumaginninnermi teknologiniik iluaqusersuutinut aningaasat amerlanerit

Ataatsimiititami kingullermik ataatsimiinnermi 21. februarimi pisumi ataatsimiititap akuersissutigaa inunnut puigortunngortunut teknologiiimik iluaqusersuutini pisiortornissamut atugassanut tunngasunik siunnersuut. Aningaasat 550.000 kr.-inik ilanerisigut siunnersuut taanna utoqqarnut atugarissaarnissamut teknologiiimik pisiortornissamut atorineqarsinnaalissapput puigortunngortut immikkut isiginiarlugit.

### Siunnersuut 3: Sulisut piginnaanngorsaqqinnissaannut atugassanik aningaasat amerlanerit

Ataatsimiititap kingullermik ataatsimiinnerani ataatsimiititap akuersissutigaa sulisunut ilinnartitsinissanut, pikkorissarnissanut supervisionertarnissaannullu tunngasunik siunnersuut. Siunnersuummut tassunga 550.000 kr.-inik ilassusiinikkut angerlarsimaffinni ikiortiniik utoqqarnilu sulisunik piginnaanngorsaqqiinissamut akissaqartoqalissaaq.

### **Ingerlatsivimmit aningaasatigut sulisoqarnikkullu naliliinerit**

Suliffeqarnermut Isumaginninnermullu Ingerlatsivimmit politikikkut kissaatit malillugit missingersuutit pillugit isumaqatigiissummi aningaasaliissutit inissineqassapput, taamaalillutik 2023-p ingerlanerani atorneqarsinnaassammata kiisalu 2024-mut missingersuutit pillugit isumaqatigiissummut atatillugu nalilersorneqarlutik. Ingerlatsivimmut aningaasatigut sulisoqarnikkullu allatigut kinguneqassanngilaq.

### **Suliffeqarfimmut Kiffartuussivimmit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommuneqarfik Sermersuumi 2023-mut missingersuutit pillugit isumaqatigiisut

### **Siusinnerusukkut aalajangernerit**

*Suliffeqarnermut Isumaginninnermullu Ataatsimiititaq 21.02.2023*

Inassuteqaat imatut oqaaseqaatitalerlugu akuersissutigineqarpoq:

Siunnersuut 1, 3 aamma 4 akuersissutigineqarput.

Siunnersuut 2 ingerlatsivimmut uterteqqinneqarpoq pitsanngorsaasoqarnissaa kissaatigineqarmat.

### **Ilanngussat**

Ilanngussaqaanngilaq.

## **Punkt 14: Piffissap ilaannaanik atuinermut pilersaarut pillugu siunnersuut**

### **Beslutning**

Siunnersuut akuersissutigineqarpoq kiisalu siunnersuut HR-afdelingimut misissuiffigisassanngorlugu ingerlateqqinneqarnissaa aaliangiunneqarluni.

## **Piffissap ilaannaanik atuinnermut pilersaarut pillugu siunnersuut**

Ataatsimiititami ilaasortap Poul Petersenip (D) Suliffeqarnermut Isumaginninnermullu Ataatsimiititamut siunnersuutaa

Aalajangiiffigisassaq

SagsID.: EMN-2023-00892

### **Inassuteqaat**

Kommunalbestyrelsimut ilaasortap Poul Petersenip Suliffeqarnermut Isumaginninnermullu Ataatsimiititamut inassuteqaatigaa:

- siunnersuut Ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### **Suliassamik saqqummiussineq**

Ataatsimiititami ilaasortap Poul Petersenip (D) februaarip 12-iani 2023 Suliffeqarnermut Isumaginninnermullu Ataatsimiititami aalajangiiffigisassatut siunnersuummik nassiussivoq. Piffissap ilaannaanik atuinnermut pilersaarut pillugu periarfissaq Suliffeqarnermut Isumaginninnermullu Ataatsimiititap eqqartussagaa Poul Petersen kissaateqarpoq.

### Tunngavilersuut:

(Kommuneqarfik Sermersuumiit nutserneqarsimasoq)

*“Siunnersuutiginiarpara Suliffeqarnermut Isumaginninnermullu ataatsimiititaq Meeqqanut Atuarfeqarnermullu ataatsimiititaq, ingerlatsiviit peqatigalugit, misiliummik aallartitsisoqarnissaanik misissuissasut, tassani sapaatip akunneranut ullut suliffiit sisamat ullullu sulinnigiffiusut pingasut imaluunniit akunnerit 40-t assersuutigalugu akunnernut 37-nut appartinneqarsinnaanersut.*

*Sapaatip akunneranut ulluni sisamani sulisarnissaq pitsaasuussava, ataatsimulli isigalugu akunnerit taakku sulisarluni, soorlu nalinginnaasumik sapaatip akunneranut ulluni tallimani sulisarnertut?*

*Misiliutaasumik aaqqissuussinissamat siunnersuuteqarnissatsinnut tapersorneqarnissara neriuutigivara, tassani ingerlatsiviup ataani sulisuvut ulluni tallimani akunnerit suliffiit ullunut sisamanut agguataarsinnaavaat. Sulisutta namminneq inuuneqarnerminnut aamma suliffeqarnerminnut tunngatillugu annerusumik angusaqarsinnaanerat periarfissaalluartut isigaarput, aamma Kommuneqarfik Sermersooq taamaalilluni suliffigissallugu nuannernerulerlunilu pilerinarnerulissaaq.*

*Suliatigut peqatigiiffiit aamma aqutsisunut kattuffiit aaqqissuussaq pillugu oqallisigeqatiginissaannut aggersaasoqarnissaa aallaavigivara. Siullermik misiliutaasumik aaqqissuussaq isumaqarpunga ulluunerani meeqqerivinni marlunni pissasoq (Nuummi Paamiunilu/Tasiilaq) taakkulu saniatigut aamma utoqqarnut tunngasut ilannuglugit, tamannalu misiliutaasumik ingerlatsiffiusuni piumassuseq malillugu ingerlanneqassaaq, tassa ullut suliffiit sisamaassanersut imaluunniit tallimaassanersut.*

*Ulluunerani paaqqinnittarfiit utoqqarnillu sullissiviit sulisoqarniarneq eqqarsaatigalugu assut ajornartorsiorfiupput. Allaat naammattunik sulisussarsiorniarneq taartaasartussanillu pissarsiniartarneq assut ajornartorsiuutigivarput.*

*Pisariillisaanerusinnaaneq iluaqutitalimmik misissorsinnaavarput. Akisuallaarnissaanik tunngavilersuuteqarneq unittoorfiginaveersaassavarput, taamaattumik siullertut*

*innersuussutigalugu kajumissaarutigissavara suliniummik aallartitsinissatsinni suliassaqarfik ataaseq tamaviaarfiunerpaaq aallarniutigissagipput tassanilu nammitsinnik misilittakkatsinnik pilersitsilluta.*

*Sulimi akunnerni ikinnerusuni sulisarnerup inuiaqatigiinnut aningaasaqarnikkut qanoq iluaqutissartaqarnersoq misissuiffigineqanngilaq.*

*Nukissaq annertoq nammineq piumassutsimut atorneqarsinnaava? Ilaqutariinnermut meeqqanullu piffissaqarnerulerneq? Suliffeqarfinni angusaqarneruneq ingerlalluarnernerlu annertunerusumik naammassisaqarluni? Tamakku pitsaannerusumik aningaasaqarnermut tunngavissaalluarnissaat qularutissaanngilaq. Piffissap suliffiusussap qanoq inissinneqarnissaanut tunngatillugu aalajangersimasumik politikikkut aalajangiisoqanngilaq, kisianni suliffimmi atugarliornermut ersiutaasut iliuuseqarfigivavut eqqumaffigineqarnerulernissaat eqqartorneqartarnissaallu ammaanniarnissaa siunertaralugu.”*

### **Siunnersuut qanoq aningaasalerneqassava?**

Siunnersuuteqartup tamanna erseqqissaatiginngilaa.

### **Inatsisitigut tunngavissaq allakkallu tunngaviusumik uppersaatitalit**

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq  
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnaavai aammalu tamakku pillugit aalajangiinissanut siunnersuutiniq saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput
- Kommunalbestyrelsip suleriaasissaatut aalajangersagaq §3:  
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliassanngortitsinnaavoq (aqutsineq pillugu inatsimmi § 13 naapertorlugu). Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, § 8 naapertorlugu suliap suliareqqinnissaa pillugu Kommunalbestyrelse ataatsimiinnermi aalajangiissaaq. Sulianut aalajangiiffigisassatut siunnersuutitut ilanngunneqarsimasunut aamma tamanna atuuppoq

### **Ilanngussat**

Soqanngilaq.

## **Punkt 15: 2023-mut suliat allaaserineqarnerisa nalimmassarneri**

### **Beslutning**

Inassuteqaat akuersissutigineqarpoq.

### **Bilag**

Unnuisarfimmik ingerlatsineq

Angerlarsimaffeqanngitsunut inissiat katitertakkt atornerarneri pillugit ilisimatitsissut

Suliat pitsaassusaat pillugu allaaserinerat Oqilisaanissamik neqeroorutit



## 2023-mut suliat allaaserineqarnerisa nalimmassarneri

Angerlarsimaffeqanngitsut unnuisarfiani kiisalu oqilisaassinermik neqeroorutinik sullissinerup pitsaassusaata nutarterneri

Aalajangiiffigisassaq

SagsID.: EMN-2023-00185

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- angerlarsimaffeqanngitsut unnuisarfiani suliat allaaserineqarnerisa nutarternera kiisalu oqilisaanermik neqeroorutinut suliat allaaserineqarnerinik nutaamik ilanngussineq akuersissutigineqassasut
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqineqassasoq

### Suliassamik saqqummiussineq

2023-mut suliat allaaserineqarneri atuuttoq Kommunalbestyrelsemit 29. november 2022-mi akuersissutigineqarpoq. Suliat allaaserineqarneri nutarterneqartarput politikikkullu ukiut tamaasa akuersissutigineqartarlutik. Ukiut tamaasa nutarterinerup qulakkeertarpaa suliat allaaserineqarneri kommunip neqeroorutaanut naleqquttuunissaat, inatsimmut atuuttumut kiisalu politikikkut anguniakkanut naleqqutsillugit.

Suliat allaaserineqarneri tassaapput Isumaginninnermut Suliffeqarnermullu Ingerlatsivimmit innuttaasunut neqeroorutit innersuussutigineqarsinnaasut ataatsimut takussutissartai. Politikikkut sakkussaallutillu innuttaasunik kiffartuussinermi ersarissuutitsillutillu assigiissaarinissamik qulakkeerutaasut aamma tulleriissaarisartut sulisunullu tamakkuninnga suliaqartunut sulinerannut najoqqutassiaallutik.

### Angerlarsimaffeqanngitsut unnuisarfiinut suliat allaaserineri

Suliffeqarnermut Isumaginninnermullu Ataatsimiititamut 21. februar 2023-mi

Angerlarsimaffeqanngitsunut inissiat katitertakkat atorneqarneri pillugit ilisimatitsissut malillugu suliat allaaserineqarnerisa nutarternissaat inassutigineqarpoq (takuuk ilanngussaq). Sulianik allaaserinninnermi oqaaseqatigiit uku ilanngunneqarput "*Innuttaasut piumasaqaatinik naammassinnittut aammalu inissianut katitertakkanut inissamik tunineqarsimasut, angerlarsimaffeqanngitsut unnuisarfiannik atuisinnaanngillat.*" Allannguut aaqqiissutissatut siunnersuutaavoq, tassuunakkut qulakkeerniarneqarluni sapinngisamik amerlanerpaat angerlarsimaffeqanngitsut unnuisarfiinik inissianillu katitertakkanik atuisut amerlanerpaanut iluaqutaanissaat kiisalu angerlarsimaffeqanngitsut namminneq initaavinnissaannut aqutissiuussissalluni.

Inissiat katitertakkat initaannut inuttaliinissaq maanna unammillernartoqarpoq. Maanna inissanit 24-usunit 10-t atorneqanngillat. Ineqartut arlallit inimut akileerusunneq ajorput, naak aningaasaqarnermikkut, tarnikkut atukkatigut isumaginninnikkullu eqqarsaatigalugit tamanna naammassisinnaagaluarlugu. Taamaattoqarpoq naak attassiinnarnissamik suliniuteqartaraluartoq soorlu naafferartumik akilersuisinnaanerit kiisalu najugaqartunut oqaloqatiginnittarnerit atuukkaluartut. Angerlarsimaffeqanngitsut unnuisarfiannik atuisut arlallit inissianut katitertakkanut nuunnissaannut piumasaqaatinik naammassinnittut inissianut katitertakkanut taakkununnga inissinneqarnissaannut neqeroorfigineqarsimapput. Angerlarsimaffeqanngitsunullu unnuisarfimmik



atuisut arlallit inimut akileerusunngillat angerlarsimaffeqanngitsullu unnuisafianni najugaqarusunnerullutik. Taamaammat unnukkut unnuiffissaminnik atorfissaqartitsilluinnartunut allanut inangiipput. Taamaammat sulianik allaaserinninnerit nutarterneqassapput, taamaalilluni angerlarsimaffeqanngitsut unnuisafiannik atuisinnaaneq atorunnaassalluni inissianik katitertakkanut ineqarnissamut neqeroorfigineqartut neqeroorummik qujaannarpata

#### Oqilisaanermik neqeroorutininik sulianik allaaserinninneq

Inuit innarluutillit tapersorsorneqarnissaannut, Inatsisartut inatsisaat nr 13, 12 juni 2019-imeersoq § 41 naapertorlugu kommune neqerooruteqartussaavoq inunnut innarluutilinnut ilaqutaasunut oqilisaanissamik pisariaqartitsigallartunut isumaginninnerannut tunngatillugu.

2023-mut missingersuutit pillugit isumaqatigiisummi aningaasanik illikartitsisoqarpoq sammisassaqartitsivimmi Kammagiinni inunnut innarluutilinnut oqilisaanissamut neqeroorutininik pilersitsinissamut atorneqartussanik. Oqilisaanissamik neqeroorutip siunertaraa utoqqaat ilaqutaalu oqilisaannissaat innuttaasunik innarluutilinnik isumaginninneranut atatillugu taakku isumaginninnerat ingerlatiinnarsinnaaqullugu. Innuttaasut 18-66-inik ukiullit innarluutillit ataasiartumik imaluunniit utikattumik oqilisaakkallarneqarnissaannik neqeroorfigineqarsinnaapput. Oqilisaanissamik neqeroorut pilersinneqarpoq 2023-milu upernaakkut atorneqalerluni. Oqilisaanissamut neqeroorummik Suliffeqarnermut Isumaginninnermullu Ingerlatsivik taamaammat sulianut allaaserinnippoq, taannalu 2023-mut sulianik allaaserinninnermut atuuttumut ilanngunneqassalluni.

#### **Ingerlatsivimmit aningaasatigut sulisoqarnikkullu naliliinerit**

Oqilisaanissamik neqeroorut ukiumut ingerlatsinissamut aningaasartuutit 3 mio. kr. missaanniipput missingersuutinut isumaqatigiissuteqartoqarneranut atatillugu tunniunneqarsimallutik.

#### **Suliffeqarfimmu Kiffartuussivimmit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppersaatiillit**

- Kommuneqarfik Sermersuup 2023-mi suli at pitsaassusaat pillugu allaaserineqarneri
- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersumi § 41
- Kommuneqarfik Sermersuup Angerlarsimaffeqanngitsuuneq pillugu periusissiatut pilersaarutaa
- Angerlarsimaffeqanngitsuuneq pillugu Naalakkersuisut periusissiatut pilersaarutaat

#### **Ilanngussat**

1. Unnuisarfimmik ingerlatsineq
2. Angerlarsimaffeqanngitsunut inissiat katitertakkat atorneqarneri pillugit ilisimatitsissut
3. Suli at pitsaassusaat pillugu allaaserinerat Oqilisaanissamik neqeroorutit

## **Punkt 16: Misiligutaasumik Majoriami immikkoortukkuutaartumik atuartitsineq**

### **Beslutning**

Inassuteqaat akuersissutigineqarpoq.

### **Bilag**

Suliniuummut nassuiaat

Skemassatut siunnersuut, missingersuutit atortullu allat

Naalackersuisoqarfimmiit neriorsuineq

## Misiligutaasumik Majoriami immikkoortukkuutaartumik atuartitsineq

Aalajangiiffigisassaq

SagsID.: EMN-2023-01327

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu

Ataatsimiititamut inassuteqaatigaa:

- misiligutaasumik suliniut akuersissutigineqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

### Suliassamik saqqummiussineq

Kommuneqarfik Sermersooq ukiut tamaasa kommunimi tamarmi inuusuttut Majoriaq aqputigalugu meeqqat atuafianni soraarummeerutaasumik misilitsinnermut (FA-mik) pikkorissaqqinnernik aallartitsisarpoq. Taamaatut ingerlatsisoqartaraluartoq ukiuniu kingullerni FA-mi atuartut atuartiinnarniartarnerat assut ajornartorsiutaasarsimavoq. Atuartut amerlasuut inuttut annertuumik ajornartosiuteqartarput, tamannalu assigiissaakkamik pikkorissaqqinnermut kajumissuseerutsitsisarpoq.

Suliffeqarnermut Isumaginninnermullu Ingerlatsiviup nalilerpaa, FA-mi atuartut akornanni atuarunnaartartut taamatut amerlatiginerannut ilaatigut atuartitsinerup ilusaa aamma atuartut ataasiakkaat neqeroorummi ikiorneqartannginnerat pissutaasoq. Tamanna Suliffeqarnermut Isumaginninnermullu Ingerlatsivimmut, Namminersorlutik Oqartussat kommunillu allat suleqatigalugit, misiligutaasumik suliniummik aallartitsinialernermut pissutissaqartitsilerpoq, tassa pikkorissaqqinnermi periutsinik nutaanik ilinniarnernup ingerlatiinnarnissaanut piomassuseqarnerulersitsisut eqqarsaatigalugit.

Taamatut siunnersuuteqarnikkut Majoriaq Nuuk misiligutaasumik FA immikkoortukkuutaarlugu ingerlatsiniarpoq ukiumi atuarfusumi 2023-mi aamma 2024-mi, qangatut FA-mik ingerlatsisarnermut taarsiullugu. Tassa imaappoq, Majoriaq Nuuk misiligutaasumik suliniutip ingerlanerani qangatut FA-mik ingerlatsinermik neqerooruteqassanngilaq FA-milu atuartitsineq tamarmi immikkoortukkuutaarlugu ingerlanneqassaaq. Taamatut misiligutaasumik aaqqiilluni isumaqatigiissuteqarneq taamaallaat Nuummi pissaaq. Misiligutaasumik aaqqiinnerup siunertarivaa atuartitsinerup atuartunut ataasiakkaanut naleqqussarneqarnerunissaa. Suliniut Namminersorlutik Oqartussat suleqatigalugit aqqissorneqarpoq, taakkulu inatsisit iluanni pinissaa akuerivaat.

Misiligutaasumik suliniut atuartitsinerup siunertaanik allannguinaviangilaq, aamma suli FA-mik soraarummeersitsineq aasat tamaasa neqeroorutigineqartassaaq, ilinniartitseriaaserliuna iluarsiniarneqartoq atuartut ataasiakkaat ikiorserniarlugit aamma atuartitsinermut piomassuseqartikkumallugit. Suliniut erseqqinnerusumik ilanngussaq 1-imi nassuarneqarpoq.

Suliniut Suliffeqarnermut Isumaginninnermullu Ingerlatsivimmit nalilersorneqartuassaaq. Misiligutaasumik suliniut paasinarsippat kinguneqarluartoq taava FA-mik ingerlatsinerit immikkoortukkuutaarlugit nunatsinni Majoriaqarfusuni ukiuni aggersuni atuutsikkiartuartaarneqassasoq naatsorsuutigineqassaaq.

**Ingerlatsivimmit aningaasatigut sulisoqarnikkullu naliliinerit**

Misiligutaasumik suliniut Kommuneqarfik Sermersuumit aamma Namminersorlutik Oqartussanit suleqatigiissutigalugu akilerneqarpoq. Suliffeqarnermut Isumaginninnermullu Ingerlatsiviup nalilerpaa aningaasartuutit missingersuutaareersut iluini akilerneqarsinnaasut.

**Suliffeqarfirmut Kiffartuussivimmit aningaasatigut naliliineq**

Pisariaqanngilaq.

**Inatsisitigut tunngavissaq allakkallu tunngaviusumik uppersaatillit**

Misiligutaasumik suliniut inatsisit iluini taakkununngalu killiliussat tunngavigalugit ingerlanneqassaaq, Majoriap FA-mik atuartitsineranut tunngasut aamma atuartitsinermut pilersaarutit Majoriamit malinneqartut allanngortinneqassanngillat.

- Inatsisartut inatsisaat nr. 28 ulloq 9. december 2015 suliffissanut, ilitersuisarnernut pikkorissaqqinnernullu qitiusumik ingerlatsiviit pillugit
- Ilinniartunut tapiisarneq pillugu Inatsisartut inatsisaat nr. 45, 23. november 2017-imeersoq
- Atuarfimmi naliliisarneq uppersaasiortarnerlu pillugit Namminersornerullutik Oqartussat nalunaarutaat nr. 2, 9. januar 2009-meersoq
- Meeqqat atuarianni inaarutaasumik naliliineq pillugu Namminersornerullutik Oqartussat nalunaarutaat nr. 2, 9. januar 2009-meersoq
- Majorianik ingerlatsinermi angusat pillugit Namminersorlutik Oqartussat aamma Kommuneqarfik Sermersuup akornanni isumaqatigiissut

**Ilanngussat**

1. Suliniummut nassuiaat
2. Skemassatut siunnersuut, missingersuutit atortullu allat
3. Naalackersuisoqarfimmiit neriorsuineq

## **Punkt 17: Lukket**

**Punkt .: Taasariaqartut allat**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigineqarpoq nal. 13.53.